

Муслима аёл билим ва малакаси билан *Forbes* Яқин Шарқ рўйхатига кирди



11:00 / 22.09.2021 1800


Бирлашган Араб Амирликларидан муслима аёл Жавоҳир Ал-Мҳейри Яқин Шарқдаги Forbes рўйхатининг юқори 30 талик рўйхатига кирди.

Islam.ru хабар беришича, қиз олти тилда гапиради, авиаация менежменти бўйича бакалавр, халқаро алоқалар бўйича магистр ва статистик оптималлаштириш бўйича мутахассис ҳисобланади. Шу ой истеъододли муслима аёл 300 номзоддан ўтиб, Forbes Яқин Шарқ рўйхатининг энг яхши ўттизталигига кирди.

2017 йилда стереотипларни бузган араб аёли Абу-Даби ташқи ишлар вазирлигига ўз лавозимини эгаллади ва БАА дипломатик академиясига ўқишига кирди. Вазирликда қиз тезда мансаб пиллапояларидан юқорига кўтарилиди ва тез орада Амирликлар ва АҚШ ўртасидаги иқтисодий алоқалар бўйича бош мутахассис лавозимини эгаллади ва ўтган йилнинг сентябрь ойида Осиё минтақаси билан иқтисодий алоқалар бўлими бошлиғи лавозимига кўтарилиди. Бу йил у АҚШнинг Колумбия Давлат университетида халқаро муносабатларда икки йиллик курсни бошлади.

"Мен ўзларига ишонган ва орзуга эргашган, ўзлари интилган ҳамма нарсага эришишга ҳаракат қилганлардан бириман. Минтақамизда истеъододли ёшлар кўп. Биз куч-қувватга тўламиз ва мақсадларимиз ҳам улкан ва биз, албатта, дунёни ўзгартиришга қодирмиз", - дейди Жавоҳир

Ал-Мхейрий.



**Манба:Ўзбекистон мусулмонлари
идораси матбуот хизмати**